



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 27/08/2021

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Premierminister & de Minister fir Kommunikatioun & Medien weiderzeleeden.**

Den Internetgigant Apple huet am Kader vum Kampf géint kannerpornographesch Inhalter elo zouginn, dass si säit 2019 d'E-Maile vun hiren Notzer iwwert d'iCloud automatesch mat hirem Datebank ofgläichen. Bei engem Verdachtsfall gëtt d'Email dann un een Employée wiedergeleet, deen dës iwwerliest:

*"As part of this commitment, Apple uses image matching technology to help find and report child exploitation. Much like spam filters in email, our systems use electronic signatures to find suspected child exploitation. We validate each match with individual review."*

De 5ten August dëst Joer huet d'Firma dann ugekënnegt, d'Inhalter vu Fotoen a Messagen net méi nëmme just op der iCloud, mee direkt op de Geräter ze scannen an ofzegläichen. Dëse Schrëtt gëtt vun Dateschützer a Mënscherechtsorganisatioune wéi dem US Human Rights Watch kritiséiert, well d'Technologie, déi zum Asaz kënnt, och ka fir aner Zwecker, wéi zum Beispill d'scannen no sensibelen Daten an d'Sich no politesche Géigner mësbrauch ginn.

An deem Zesammenhang wéilt ech de Ministeren dës Froe stellen:

1. Notzen d'Ministeren d'iCloud fir berufflech Zwecker? Ware si sech bewusst, dass d'Firma d'Inhalter op der Cloud mat hirem Programm ofgläicht?
2. Wéi stinn d'Ministeren zu den am August annoncéierte Pläng vun Apple? Wäert dëst een Afloss op hire Gebrauch vun Telefonen an anere Geräter hunn?



Mat déiwem Respekt,

A handwritten signature in black ink, consisting of several fluid, overlapping strokes that form a stylized representation of the name 'GOERGEN'.

GOERGEN Marc  
Député

